

গণপ্রজাতন্ত্রী বাংলাদেশ সরকার
জেলা প্রশাসকের কার্যালয়, কুড়িগ্রাম।
(সাধারণ শাখা)
www.kurigram.gov.bd

বিষয় : আগস্ট ২০১৮ মাসের এনজিও বিষয়ক সমন্বয় কমিটির মাসিক সভার কার্যবিবরণীঃ

সভাপতি : মোছাঃ সুলতানা পারভীন
জেলা প্রশাসক, কুড়িগ্রাম।

সভার তারিখ : ১৬-০৮-২০১৮ খ্রিস্টাব্দ।

সভার স্থান : সম্মেলন কক্ষ, জেলা প্রশাসকের কার্যালয়, কুড়িগ্রাম।

সভার সময় : দুপুর- ১২.০০ ঘটিকা।

সভার উপস্থিতি : সভায় উপস্থিতির তালিকা পরিশিষ্ট 'ক'।

সভাপতি সভায় উপস্থিত এনজিও প্রতিনিধিবৃন্দকে স্বাগত জানিয়ে সভার কার্যক্রম শুরু করেন। অতঃপর সভাপতির অনুমতিক্রমে সভার কার্যপত্র উপস্থাপন করা হয়। আলোচ্যসূচি অনুযায়ী ধারাবাহিকভাবে বিস্তারিত আলোচনান্তে নিম্নবর্ণিত সিদ্ধান্তসমূহ গ্রহণ করা হয়:

- আলোচ্যসূচি-১ : বিগত সভার কার্যবিবরণী দৃষ্টিকরণ।
- আলোচনা : সভায় উপস্থাপিত জুলাই ২০১৮ মাসের এনজিও বিষয়ক সমন্বয় সভার কার্যবিবরণীর উপর কারও কোন মন্তব্য আছে কিনা জানতে চাওয়া হয়। সভার এনজিও প্রতিনিধিগণ কার্যবিবরণী সঠিকভাবে লিখিত হয়েছে মর্মে সভাকে অবহিত করেন। কার্যবিবরণীতে কোন সংযোজন, বিয়োজন বা সংশোধনের প্রস্তাব না থাকায় তা সর্বসম্মতিক্রমে দৃষ্টিকরণ করা হয়।
- আলোচ্যসূচি-২ : আরডিআরএস বাংলাদেশ, কুড়িগ্রামের কার্যক্রম সম্পর্কে আলোচনা।
- আলোচনা : আরডিআরএস বাংলাদেশ, কুড়িগ্রামের কর্মসূচি ব্যবস্থাপক সভায় জানান, আরডিআরএস বাংলাদেশ এ জেলার সকল উপজেলার বিভিন্ন প্রকল্পের মাধ্যমে নানামুখী উন্নয়ন কার্যক্রম বাস্তবায়ন করে আসছে। সংস্থাটি জুলাই/২০১৮ মাসে জেলার সকল উপজেলায় সামাজিক স্বাস্থ্য কর্মসূচি (যক্ষা ও কুষ্ঠ), এলএলটি-জাপান এর অর্থায়নে কুড়িগ্রাম জেলায় ১১টি প্রাথমিক বিদ্যালয়ের ১১ জন শিক্ষককে শিক্ষক প্রশিক্ষণ কার্যক্রম, কুড়িগ্রাম সদর উপজেলা ও উলিপুর উপজেলার ৬টি ইউনিয়নে Empowering Women and Youth Through Graduation and Financial Inclusion প্রকল্প, স্কুল ফিডিং কর্মসূচির মাধ্যমে সকল উপজেলায় ১,২৯৮টি সরকারি প্রাথমিক বিদ্যালয় ও এবতেদায়ী মাদ্রাসার ছাত্রছাত্রীদের মাঝে ৩৮৩ মেঃটন বিস্কুট বিতরণসহ অন্যান্য কার্যক্রম পরিচালনা করছে।
- আলোচ্যসূচি-৩ : ইএসডিও, কুড়িগ্রামের কার্যক্রম সম্পর্কে আলোচনা।
- আলোচনা : ইএসডিও, কুড়িগ্রামের প্রতিনিধি সভায় অবহিত করেন যে, ইএসডিও কর্তৃক কুড়িগ্রাম জেলায় বাস্তবায়িত কর্মসূচি ১. বাংলাদেশ গ্রাম আদালত সক্রিয়করণ (২য় পর্যায়) প্রকল্প, ২. স্বপ্ন ৩. ডব্লিউটিআরএফ, ৪. রক্ষ, ৫. মাইক্রোফিন্যান্স ৬. এমভিডব্লিউইউএস প্রকল্প মাঠ পর্যায়ে বাস্তবায়ন করে আসছে।
- আলোচ্যসূচি-৪ : মুসলিম এইড বাংলাদেশ, নাগেশ্বরী, কুড়িগ্রামের কার্যক্রম সম্পর্কে আলোচনা।
- আলোচনা : মুসলিম এইড বাংলাদেশ, নাগেশ্বরী, কুড়িগ্রামের প্রতিনিধি সভায় অবহিত করেন যে, তাদের সংস্থা ৫টি প্রকল্প (১) ক্ষুদ্র ঋণ কার্যক্রম (২) স্যানিটেশন কার্যক্রম (৩) দারিদ্র্য বিমোচন কার্যক্রম (৪) শিক্ষা কার্যক্রম ও (৫) কোরবানী প্রোগ্রাম নাগেশ্বরী উপজেলায় বাস্তবায়ন করছে। ক্ষুদ্র ঋণ কার্যক্রমের আওতায় ২১ জন সদস্যকে ২০% সার্ভিস চার্জ হারে ৫,৩৮,০০০/- টাকা ঋণ প্রদান করা হয়েছে। সরকারি ও সরকার অনুমোদিত শিক্ষা প্রতিষ্ঠান, মাদরাসা, মসজিদ, মন্দির, অসহায় পরিবার ও জনগুরুত্বপূর্ণ স্থানে স্থাপিত টিউবওয়েল পৌঁচা করণসহ নতুন টিউবওয়েল করা হয়েছে। Rainbow Family Project এর মাধ্যমে ০২ জন দরিদ্র মেধাবী শিক্ষার্থীকে ২,০২০/- টাকা করে মোট ৪,০৪০/- টাকা প্রদান করা হয়েছে। সকল প্রকল্পের মাধ্যমে উপকারভোগীগণ তাদের জীবন-মান উন্নত করছেন।
- আলোচ্যসূচি-৫ : কেডিএবি, কুড়িগ্রামের কার্যক্রম সম্পর্কে আলোচনা।
- আলোচনা : কেডিএবি, কুড়িগ্রামের প্রতিনিধি সভায় জানান, কেডিএবি কর্তৃক চিলমারী উপজেলায় ১টি প্রাথমিক ও ১টি মাধ্যমিক বিদ্যালয় দেশি-বিদেশি শিক্ষক দ্বারা পরিচালিত হচ্ছে। উলিপুর উপজেলায় কুষ্ঠরোগী পরিবারের সন্তানদের জন্য হোস্টেল এর (আবাসিক) ব্যবস্থা করা হচ্ছে। এলাকার দুঃস্থ ও গরীব পরিবারের সন্তানদের জন্য মানসম্মত প্রাথমিক ও নিম্নমাধ্যমিক শিক্ষা ব্যবস্থার নিমিত্ত সংস্থার ক্যাম্পাসে একটি প্রাথমিক ও একটি নিম্ন মাধ্যমিক বিদ্যালয় পরিচালিত হচ্ছে। কুষ্ঠরোগী পরিবারের অবহেলিত সন্তানদের মাঝে স্টাইপেন্ড প্রদান করা হচ্ছে এবং কুষ্ঠরোগীসহ এলাকার বেকার যুবক-যুবতীদের গার্মেন্টস প্রশিক্ষণ প্রদান করা হচ্ছে। উলিপুর ও চিলমারী উপজেলায় কম্পিউটার প্রশিক্ষণ কেন্দ্রের (২০টি কম্পিউটার বিশিষ্ট ল্যাব মাল্টিমিডিয়া সিস্টেমে) মাধ্যমে প্রশিক্ষণ প্রদান করা হচ্ছে। সংস্থার মেডিকেল বিভাগ কর্তৃক সর্বসাধারণের মাঝে চিকিৎসা সেবা প্রদান করা হচ্ছে। এছাড়াও তাদের সংস্থা কর্তৃক গৃহীত অন্যান্য কার্যক্রম যথারীতি চলছে।
- আলোচ্যসূচি-৬ : টেরে ডেস্ হোমস্ ফাউন্ডেশন, কুড়িগ্রামের কার্যক্রম সম্পর্কে আলোচনা।
- আলোচনা : টেরে ডেস্ হোমস্ ফাউন্ডেশন, কুড়িগ্রামের প্রতিনিধি সভায় জানান, তাদের সংস্থা এ জেলার কুড়িগ্রাম সদর, উলিপুর ও চিলমারী উপজেলায় 'মাদার এ্যান্ড চাইল্ড হেলথ' প্রোগ্রামে কমিউনিটির প্রধান স্টেকহোল্ডার এবং সরকারি স্বাস্থ্য পরিচর্যা শক্তিশালী করার মাধ্যমে কর্ম এলাকার মা ও শিশুস্বাস্থ্য অবস্থার উন্নয়নে (প্রাতিষ্ঠানিক ও গ্রামভিত্তিক) কার্যক্রম বাস্তবায়ন করছে। এছাড়া সংস্থার অন্যান্য কার্যক্রম যথারীতি চলছে।

- আলোচ্যসূচি-০৭ : গ্রাম উন্নয়ন কেন্দ্র, রাজারহাট, কুড়িগ্রামের কার্যক্রম সম্পর্কে আলোচনা
আলোচনা : গ্রাম উন্নয়ন কেন্দ্র, রাজারহাট, কুড়িগ্রামের প্রতিনিধি সভায় অবহিত করেন যে, সংস্থাটি মহিলা বিষয়ক অধিদপ্তর কর্তৃক বাস্তবায়িত কার্যক্রমের ২০১৭-১৮ চক্রের জন্য রাজারহাট উপজেলার ০৭টি ইউনিয়নে কাজ করছে। উক্ত চক্রের জন্য নির্বাচিত উপকারভোগীদের তালিকা সংগ্রহের মাধ্যমে গ্রুপ তৈরী, প্রশিক্ষণ প্রদান ও সংস্থায় উত্তোলন কার্যক্রম বাস্তবায়ন করছে। প্রকল্প শুরু থেকে ৩০ জুলাই ২০১৮ পর্যন্ত মোট সংস্থায় আদায় ৮৪,৫৩,৬৪৫/- টাকা। উক্ত টাকা অগ্রনী ব্যাংক লিঃ, রাজারহাট শাখায় হিসাব নং ১০৯৬৯-তে জমা রয়েছে।
- আলোচ্যসূচি-০৮ : সচেতন নাগরিক কমিটি (সনাক), কুড়িগ্রামের কার্যক্রম সম্পর্কে আলোচনা।
আলোচনা : এরিয়া ম্যানেজার, সচেতন নাগরিক কমিটি (সনাক), কুড়িগ্রাম সভায় অবহিত করেন যে, টিআইবি'র অনুপ্রেরণায় গঠিত সচেতন নাগরিক কমিটি, কুড়িগ্রাম স্থানীয় পর্যায়ে সরকারি-বেসরকারি প্রতিষ্ঠানের স্বচ্ছতা, জবাবদিহিতা এবং সুশাসন প্রতিষ্ঠার লক্ষ্যে কাজ করছে। এ লক্ষ্যকে সামনে রেখে সচেতন নাগরিক কমিটি জুলাই/ ২০১৮ মাসের নিয়মিত সনাক, সুজন ও ইয়েস সভা অনুষ্ঠিত হয়েছে। গত ১৬-১৭ জুলাই ২০১৮ কুড়িগ্রাম সদর হাসপাতাল, কুড়িগ্রাম পৌরসভা এবং যতিনেরহাট সরকারি প্রাথমিক বিদ্যালয়ে সেবা গ্রহীতাদের সন্তুষ্টির উপর একটি জরিপ পরিচালনা করে। এসময় প্রত্যেক প্রতিষ্ঠানের ২০ জন করে সেবাগ্রহীতার কাছ থেকে প্রশ্নপত্র পূরণের মাধ্যমে এবং সরাসরি বিভিন্ন বিষয় পর্যবেক্ষণের মাধ্যমে তথ্য সংগ্রহ করা হয়। এছাড়া সংস্থার অন্যান্য সকল কার্যক্রম যথারীতি চলছে।
- আলোচ্যসূচি-০৯ : ফ্রেন্ডশীপ, কুড়িগ্রামের কার্যক্রম সম্পর্কে আলোচনা।
আলোচনা : ফ্রেন্ডশীপ বাংলাদেশ, কুড়িগ্রামের প্রতিনিধি সভায় অবহিত করেন যে, কুড়িগ্রাম জেলার কুড়িগ্রাম সদর, চিলমারী ও রাজিবপুর উপজেলার বিভিন্ন দুর্গম চর এলাকার স্যাটেলাইট ক্রিনিকের মাধ্যমে বিভিন্ন চরের সুবিধাবঞ্চিত শিশু, নারী ও পুরুষকে প্রাথমিক স্বাস্থ্যসেবা প্রদান করা হয়েছে। অত্র সংস্থার মাধ্যমে চরাঞ্চলের ০১দিন থেকে ১৮ মাস বয়সী সকল শিশুদের ইপিআই কার্যক্রমের আওতায় আনা হয়েছে। ১২০টি ইপিআই সেশনে ১,৮৭১ জন শিশু ও ৯৩৮ জন নারীকে সেবা প্রদান করা হয়েছে। ভাসমান হাসপাতালের মাধ্যমে প্রাথমিক স্বাস্থ্যসেবা প্রদান করা হয়েছে। বর্তমানে হাসপাতালটি উলিপুর উপজেলার চর মিয়াজিপাড়া, বেগমগঞ্জে অবস্থান করছে। জুলাই/২০১৮ মাসে মোট ৫,৫৭১ জন নারী-পুরুষকে চিকিৎসাসেবা প্রদান করা হয়েছে। যার মধ্যে নারী ৫৯% এবং ৪১% পুরুষ। সংস্থার সকল বাস্তবায়নাধীন প্রকল্পগুলোতে সংশ্লিষ্ট এলাকার স্থানীয় গণ্যমান্য, সুশীল সমাজ ও ইউনিয়ন পরিষদ নেতৃবৃন্দের অংশগ্রহণ ও সহযোগিতায় কার্যক্রমসমূহ বাস্তবায়ন করা হচ্ছে।
- আলোচ্যসূচি-১০ : এএফএডি, কুড়িগ্রামের কার্যক্রম সম্পর্কে আলোচনা।
আলোচনা : এএফএডি, কুড়িগ্রামের প্রতিনিধি সভায় জানান, সিডিডি এর অর্থায়নে শ্রবন দৃষ্টি প্রতিবন্ধীতা কার্যক্রমে কুড়িগ্রাম সদর উপজেলার ৫টি ইউনিয়নে থেরাপী সেবা এবং Strengthening Capacity and Networking of NSAs and Las on Disability (SCANED) প্রকল্পের আওতায় কুড়িগ্রাম সদর উপজেলার পাঁচগাছি এবং উলিপুর উপজেলার বুড়াবুড়ি ইউনিয়নে প্রতিবন্ধী ব্যক্তিদের বিভিন্ন সেবা প্রদান করা হচ্ছে।
- আলোচ্যসূচি-১১ : ব্র্যাক, কুড়িগ্রামের কার্যক্রম সম্পর্কে আলোচনা।
আলোচনা : ব্র্যাক কুড়িগ্রামের জেলা প্রতিনিধি সভায় অবহিত করেন যে, মা ও শিশু পরিচর্যা কর্মসূচি, শিক্ষা কর্মসূচি, মানবাধিকার ও আইনগত সহায়তা কর্মসূচি, কৃষি ও খাদ্য নিরাপত্তা কর্মসূচি ও সামাজিক ক্ষমতায়ন কর্মসূচি চলমান রয়েছে। ক্ষুদ্র ঋণ কর্মসূচির আওতায় কুড়িগ্রাম জেলায় ঋণ প্রদান অব্যাহত রয়েছে। কৃষি ও খাদ্য নিরাপত্তা কর্মসূচির আওতায় জমি তৈরি, সার ও বীজ ক্রয়, সেচ ও কীটনাশক এবং ফসল সংগ্রহাবাদ অত্র জেলায় প্রান্তিক চাষীদের মাঝে অনুদান প্রদান করেছে। এছাড়া ব্র্যাক, কুড়িগ্রাম কর্তৃক এ জেলায় ২০২ জনকে ভিক্ষুককে পুনর্বাসন করা হয়েছে। ভিক্ষুক পুনর্বাসনে ১,৪৫,০০০/- (এক লক্ষ পঁয়তাল্লিশ হাজার) টাকা ব্যয় করা হয়েছে। ২০১৭ সালে বন্যায় ক্ষতিগ্রস্ত কুড়িগ্রাম সদর এবং নাগেশ্বরীতে ৬৪টি ঘর নির্মাণের সাথে ১টি করে ল্যাট্রিন ও টিউবওয়েল স্থাপন করা হয়েছে।
- আলোচ্যসূচি-১২ : ল্যাম্ব হাসপাতাল, নাগেশ্বরী, কুড়িগ্রামের কার্যক্রম সম্পর্কে আলোচনা
আলোচনা : ল্যাম্ব হাসপাতাল, নাগেশ্বরী, কুড়িগ্রামের প্রতিনিধি সভায় অবহিত করেন যে, দিনাজপুর জেলার পার্বতীপুর উপজেলার আওতাধীন ওয়াল্ড মিশন প্রেয়ার লীগ (ল্যাম্ব হাসপাতাল) কুড়িগ্রাম জেলার নাগেশ্বরী উপজেলায় ৬টি ইউনিয়নে (নারায়নপুর, নুনখাওয়া, কালিগঞ্জ, বামনডাঙ্গা, কচাকাটা ও বল্লভেরখাস ইউনিয়ন) স্বাস্থ্যকেন্দ্রিক দুর্যোগ ঝুঁকি হাস প্রকল্পের কাজ নিয়মিতভাবে সম্পাদন করে আসছে। বিভিন্ন দুর্যোগকালীন বিপন্ন জনগোষ্ঠী বিশেষ করে গর্ভবতী মা ও শিশু, বৃদ্ধ-বৃদ্ধা, প্রতিবন্ধী, মহিলা ও মেয়েদের বিভিন্ন রোগ ও স্বাস্থ্য সমস্যা দূরীকরণের জন্য অত্র সংস্থা কাজ করে থাকে।
- আলোচ্যসূচি-১৩ : হ্যান্ডিক্যাপ ইন্টারন্যাশনাল, কুড়িগ্রাম এর কার্যক্রম সম্পর্কে আলোচনা।
আলোচনা : হ্যান্ডিক্যাপ ইন্টারন্যাশনাল, কুড়িগ্রামের প্রতিনিধি সভায় অবহিত করেন যে, তার সংস্থা কর্তৃক ডিজ্যাবিলিটি-ইনক্লুসিভ গ্র্যাজুয়েশন অফ এক্সট্রিম পুওর এন্ড পুওর হাউজহোল্ড ইন বাংলাদেশ প্রকল্পের মাধ্যমে কুড়িগ্রাম সদর উপজেলার সকল ইউনিয়ন ও পৌরসভায় উপকারভোগী হতদরিদ্র প্রতিবন্ধী পরিবারে প্রয়োজনীয় সহায়তা প্রদান করা হয়। কমিউনিটি পর্যায়ে সচেতনতা বৃদ্ধির জন্য বস্ত্র পদ্ধতিতে সবজি চাষ বিষয়ক ২৮টি উঠান বৈঠক করা হয়েছে। এছাড়াও সংস্থার গৃহীত অন্যান্য কার্যক্রম যথারীতি চলছে।
- আলোচ্যসূচি-১৪ : মেরী স্টোপস ক্লিনিক, কুড়িগ্রামের কার্যক্রম সম্পর্কে আলোচনা।
আলোচনা : ক্লিনিক ম্যানেজার, মেরী স্টোপস ক্লিনিক, কুড়িগ্রাম সভায় অবহিত করেন যে, স্ট্রেংদেনিং এন্ড এক্সপেনডিং কোয়ালিটি রিপ্ৰোডাকটিভ হেলথ সার্ভিস ইন বাংলাদেশ প্রকল্পের আওতায় দরিদ্র এবং হত দরিদ্র জনগোষ্ঠীর মাঝে পরিবার পরিকল্পনা ও প্রজনন স্বাস্থ্য সেবা প্রকল্পে জুলাই ২০১৮ মাসে সেবাগ্রহীতার মাঝে ১০(দশ) ধরনের পরিবার পরিকল্পনা সামগ্রীসহ প্রয়োজনীয় অন্যান্য সেবা প্রদান করা হয়েছে। সংস্থার অন্যান্য সকল কার্যক্রম যথারীতি চলছে।

- আলোচ্যসূচি-১৫ : ছিন্নমুকুল বাংলাদেশ, কুড়িগ্রামের কার্যক্রম সম্পর্কে আলোচনা।
আলোচনা : ছিন্নমুকুল বাংলাদেশ, কুড়িগ্রামের প্রতিনিধি সংস্থার কার্যক্রম সম্পর্কে প্রেজেন্টেশনের মাধ্যমে জানান, তাদের সংস্থার কার্যক্রম যথারীতি চলছে।
- আলোচ্যসূচি-১৬ : কাশিম বাজার স্বাস্থ্য সেবা সংস্থা, কুড়িগ্রামের কার্যক্রম সম্পর্কে আলোচনা।
আলোচনা : কাশিম বাজার স্বাস্থ্য সেবা সংস্থা, কুড়িগ্রামের প্রতিনিধি সভায় অবহিত করেন যে, জুলাই ২০১৮ মাসে ভুরুজামারী উপজেলার সকল ইউনিয়নের সকল প্রতিবন্ধী, অসহায় এবং অস্বচ্ছল রোগীদের হ্যাণ্ডিক্যাপ ইন্টারন্যাশনাল সংস্থা কর্তৃক প্রদেয় সকল কার্যক্রম গ্রহণ করা হয়েছে। ০২ জন প্রতিবন্ধী শিশুকে ৮০০/- টাকা করে ১,৬০০/- টাকা সহায়তা প্রদান করা হয়েছে।
- আলোচ্যসূচি-১৭ : কাশেম ফাউন্ডেশন এর কার্যক্রম সম্পর্কে আলোচনা।
আলোচনা : কাশেম ফাউন্ডেশন, উলিপুর, কুড়িগ্রামের প্রতিনিধি সভায় অবহিত করেন যে, কাশেম ফাউন্ডেশন মূলত ৩ টি প্রকল্পের মাধ্যমে কার্যক্রম পরিচালনা করে থাকে। মরিয়ম চক্ষু হাসপাতাল, উলিপুর, কুড়িগ্রামে জুলাই ২০১৮ মাসে ৪,৮৫২ জন চক্ষু রোগীর চিকিৎসা সেবা প্রদান করেছে। ৩৭৩ জন ছানি রোগী অপারেশন (কৃত্রিম লেন্স সহ) এবং হতদরিদ্র/ দরিদ্র/ নিম্নমধ্যবিত্ত ২৮৫ জন ছানি রোগীর ছানি অপারেশন (কৃত্রিম লেন্স সহ) করেছে। আলেকজান মেটরনিটি এন্ড চাইল্ড ওয়েলফেয়ার সেন্টার জুলাই ২০১৮ মাসে কুড়িগ্রাম জেলায় ৫৪ জন গর্ভবতী মায়ের রেজিস্ট্রেশন, ১০১ জন গর্ভবতী মায়ের টিটি টিকা এবং ১২৫ জন নবজাতক রেজিস্ট্রেশন করেছে। এছাড়াও অন্যান্য কার্যক্রম যথারীতি চলছে।
- আলোচ্যসূচি-১৮ : ঠিকানা সংস্থা এর কার্যক্রম সম্পর্কে আলোচনা।
আলোচনা : ঠিকানা সংস্থা, কুড়িগ্রাম এর প্রতিনিধি সভায় অবহিত করেন যে, ১৯৯৬ সাল থেকে কৃষি, শিক্ষা, স্বাস্থ্য, পরিবেশ ও অধিকার কার্যক্রম নিয়ে কাজ করে আসছে। জানুয়ারি ২০১৫ মাসে সংস্থার সকল প্রকল্পগুলোর কাজ সমাপ্ত হয়েছে। বর্তমানে সংস্থায় কোন চলমান প্রকল্প বিদ্যমান নেই।
- আলোচ্যসূচি-১৯ : সলিডারিটি, কুড়িগ্রামের কার্যক্রম সম্পর্কে আলোচনা।
আলোচনা : সলিডারিটি, কুড়িগ্রামের প্রতিনিধি সভায় অবহিত করেন যে, তাঁর সংস্থা কর্তৃক জুলাই/২০১৮ মাসে কুড়িগ্রাম সদর উপজেলার ঘোগাদহ ইউনিয়নে ইনরিচ প্রকল্পের অধীনে ৪টি স্যাটেলাইট ক্লিনিকের মাধ্যমে স্বাস্থ্যসেবা প্রদান, ২০টি স্ট্যাটিক ক্লিনিকের মাধ্যমে স্বাস্থ্যসেবা প্রদান, স্বাস্থ্য বিষয়ক উঠান বৈঠক ও ডায়াবেটিস পরীক্ষা ও ০১টি স্বাস্থ্য ক্যাম্প অনুষ্ঠিত হয়েছে। চরের দরিদ্র মানুষের খাদ্য নিরাপত্তা জোরদারকরণ প্রকল্পের আওতায় রৌমারী ও রাজিবপুর উপজেলায় প্রায় ৬০০ জন উপকারভোগীর মধ্যে বাল্যবিবাহ নিরোধ উঠান বৈঠকের আয়োজন করা হয়েছে। চিলমারী উপজেলার মৌলিক সাক্ষরতা প্রকল্পের আওতায় ৩০০টি শিক্ষা কেন্দ্র স্থাপনের কাজ চলছে। কেয়ার বাংলাদেশের আর্থিক সহায়তায় সলিডারিটি কর্তৃক রাজারহাট ও ফুলবাড়ী উপজেলার ১০টি ইউনিয়নে উপকারভোগীর উৎপাদন বৃদ্ধি, বাজারের চাহিদা অনুযায়ী বাজারজাতকরণ এবং সঞ্চয়ী মনোভাব গড়ে তোলার লক্ষ্যে এলপিএস, এসসিএ এবং প্রোডাকশন গ্রুপের দক্ষতামূলক প্রশিক্ষণ প্রদান করা হয়েছে।
- আলোচ্যসূচি-২০ : টেরে ডেস্ হোমস্ ইতালী, কুড়িগ্রামের কার্যক্রম সম্পর্কে আলোচনা।
আলোচনা : প্রকল্প সমন্বয়কারী, টিডিএইচ ইতালী, কুড়িগ্রাম সভায় অবহিত করেন যে, কুড়িগ্রাম জেলার অন্তর্গত চিলমারী উপজেলায় ১টি এবং কুড়িগ্রাম পৌরসভাতে ১টি মোট ২টি প্রাথমিক বিদ্যালয়ে ৩২৬ জন ছেলে এবং ৩৭১ জন মেয়েসহ মোট ৬৯৭ জনকে শিক্ষা সহায়তা, যেমন-বই, সাদা কাগজ, রেজিস্টার, কলম, সকল ধরনের পরীক্ষার ফি, সেশন ফি, ভর্তি ফিসহ অন্যান্য শিক্ষা উপকরণ প্রদান কার্যক্রম চলমান আছে। এছাড়া সংস্থার অন্যান্য কার্যক্রম যথারীতি চলছে।
- আলোচ্যসূচি-২১ : সূর্যের হাসি ক্লিনিক, কুড়িগ্রামের কার্যক্রম সম্পর্কে আলোচনা।
আলোচনা : ক্লিনিক ম্যানেজার, সূর্যের হাসি ক্লিনিক, কুড়িগ্রাম সভায় অবহিত করেন যে, জুলাই ২০১৮ মাসে সেবাগ্রহীতার মাঝে পরিবার পরিকল্পনা, মা ও শিশু স্বাস্থ্য এবং প্রজনন স্বাস্থ্যসেবা কার্যক্রমসহ বিভিন্ন ধরনের পরিবার পরিকল্পনা সামগ্রী বিতরণ করা হয়েছে। এছাড়া সংস্থার অন্যান্য সকল কার্যক্রম যথারীতি চলছে।
- আলোচ্যসূচি-২২ : এসিডি এর কার্যক্রম সম্পর্কে আলোচনা।
আলোচনা : প্রোগ্রাম অফিসার, এসিডি সভায় অবহিত করেন যে, তাদের সংস্থা বর্তমানে কুড়িগ্রাম পৌরসভায় “সাপোর্ট ফর ইম্পটিটিউশনালাইজেশন অব ইনফোর্সমেন্ট অব টোবাকো কন্ট্রোল ল ইন রাজশাহী” প্রকল্পের আওতায় কার্যক্রম পরিচালনা করছে। জেলায় পরোক্ষ ধূমপানের হাত থেকে অধূমপায়ীদের রক্ষা এবং ধূমপান ও তামাকজাত দ্রব্য ব্যবহার নিয়ন্ত্রণ আইন বাস্তবায়নের জন্য সরকারের টাস্কফোর্স কমিটি, সরকার ও পাবলিক প্লেস ও পাবলিক পরিবহন কর্তৃপক্ষের সাথে এডভোকেসি সভা আয়োজন অব্যাহত রয়েছে।
- আলোচ্যসূচি-২৩ : দি গ্লেনকো ফাউন্ডেশন, কুড়িগ্রামের কার্যক্রম সম্পর্কে আলোচনা।
আলোচনা : দি গ্লেনকো ফাউন্ডেশন, কুড়িগ্রামের প্রতিনিধি সভায় অবহিত করেন যে, তাদের সংস্থা কর্তৃক পরিচালিত ওয়াক ফর লাইফ প্রকল্পে কুড়িগ্রাম সদর হাসপাতালে অর্থোপেডিক বহির্বিভাগে পায়ের পাতা বাঁকা রোগের চিকিৎসা সেবা প্রদান করছে। জুলাই/২০১৮ মাসে উক্ত কার্যক্রমে প্রত্যক্ষ উপকারভোগী ০৪ জন এবং পরোক্ষ উপকারভোগীর সংখ্যা ৩ জন এবং ১টি প্রচারণা কার্যক্রমের মাধ্যমে ব্যাপক জনগোষ্ঠীকে শিশুদের ‘ক্লাবফুট’ অথবা মুগুর পা চিকিৎসা সেবা সম্বন্ধে অবগত করা হয়েছে। এছাড়াও সংস্থার অন্যান্য কার্যক্রম যথারীতি চলছে।
- আলোচ্যসূচি-২৪ : গাইবান্ধা গণ স্বাস্থ্য কেন্দ্র, কুড়িগ্রামের কার্যক্রম সম্পর্কে আলোচনা।
আলোচনা : গাইবান্ধা গণ স্বাস্থ্য কেন্দ্র, কুড়িগ্রামের প্রতিনিধি সভায় অবহিত করেন যে, কুড়িগ্রাম জেলায় ২ টি স্বাস্থ্য কেন্দ্র স্থাপনের মাধ্যমে চরাঞ্চলের দরিদ্র ও অসহায় মানুষের প্রাথমিক স্বাস্থ্য সেবা ও শিক্ষা কার্যক্রমে বিভিন্ন ধরনের প্রাথমিক স্বাস্থ্যসেবা কার্যক্রম অব্যাহত রয়েছে।

- আলোচ্যসূচি-২৫ : গণউন্নয়ন কেন্দ্র, কুড়িগ্রামের কার্যক্রম সম্পর্কে আলোচনা।
আলোচনা : গণউন্নয়ন কেন্দ্র, কুড়িগ্রামের প্রতিনিধি সভায় অবহিত করেন যে, গণ উন্নয়ন কেন্দ্র একটি বেসরকারি উন্নয়ন সংস্থা যা অতি দরিদ্র মানুষের সক্ষমতা বৃদ্ধির মাধ্যমে জীবন মানের উন্নয়নের জন্য ১৯৮৫ সাল থেকে কাজ করে আসছে। বর্তমানে উত্তর-পশ্চিমাঞ্চলের ১০টি জেলা- গাইবান্ধা, রংপুর, কুড়িগ্রাম, লালমনিরহাট, নীলফামারী, দিনাজপুর, পঞ্চগড়, কুষ্টিয়া, বগুড়া, জয়পুরহাট জেলায় বিভিন্ন উন্নয়নমূলক কার্যক্রম বাস্তবায়ন করে আসছে। দারিদ্র্য ও দুর্যোগপ্রবণ এলাকার মানুষের উন্নয়নের লক্ষ্যে সংস্থা বিভিন্ন কর্মসূচি যেমন-তৃণমূল পর্যায়ে মানুষকে সংগঠিত করা, নেতৃত্ব বিকাশ, সক্ষমতা বৃদ্ধি, নারীর ক্ষমতায়ন, শিক্ষা, স্বাস্থ্য, স্যানিটেশন, দুর্যোগ ব্যবস্থাপনা, আয়মূলক কার্যক্রম, প্রতিবন্ধীদের উন্নয়ন, শিশু সুরক্ষা ও জনসচেতনতা সৃষ্টি ইত্যাদি কার্যক্রম বাস্তবায়ন করে আসছে। বর্তমানে এ জেলার কুড়িগ্রাম সদর ও রাজারহাট উপজেলায় ঋণ বিতরণ কর্মসূচি পরিচালনা করছে। উক্ত কর্মসূচির আওতায় ৭৯ জন উপকারভোগীর মাঝে ২৩,১১,০০০/- টাকা বিতরণ করা হয়েছে।
- আলোচ্যসূচি-২৬ : মহিদের যুব সমাজ কল্যাণ সমিতি (এমজেএসকেএস) এর কার্যক্রম সম্পর্কে আলোচনা।
আলোচনা : মহিদের যুব সমাজ কল্যাণ সমিতি, কুড়িগ্রাম এর প্রতিনিধি সভায় সংস্থার বিস্তারিত কার্যক্রম সম্পর্কে অবহিত করে বলেন, SHOUHARDO-3, SOMMAN, HAPI-II, EQUITY, M4C, ELNHA, CGBV, HUNGER প্রকল্পসমূহ বাস্তবায়িত করে আসছে। SHOUHARDO-3 প্রকল্পের মাধ্যমে ইউনিয়ন দুর্যোগ ভলান্টিয়ারদের রিফ্রেশার্স ট্রেনিং ০৩টি, ইউডিভিদের ত্রৈমাসিক লার্নিং শেয়ারিং মিটিং ৪৪টি এবং সিইডি ত্রৈমাসিক লার্নিং শেয়ারিং মিটিং ১২টি সম্পাদন করা হয়েছে। এছাড়াও সংস্থার অন্যান্য কার্যক্রম যথারীতি চলছে।
- আলোচ্যসূচি-২৭ : ইসলামিক রিলিফ বাংলাদেশ, উলিপুর, কুড়িগ্রাম এর কার্যক্রম সম্পর্কে আলোচনা।
আলোচনা : ইসলামিক রিলিফ বাংলাদেশ, কুড়িগ্রাম এর প্রতিনিধি সভায় অবহিত করেন যে, Alternative Orphan Family Sponsorships Programme Through Sustainable Livelihoods (ALO-IRUK) প্রকল্পের আওতায় কুড়িগ্রাম জেলার উলিপুর উপজেলার বুড়াবুড়ী, দুর্গাপুর, পান্ডুল, হাতিয়া, দলদলিয়া ও ধরনীবাড়ী ইউনিয়নের প্রাথমিকভাবে নির্বাচিত মোট ৭৯০টি পরিবারকে নানা ধরনের সচেতনতামূলক পরামর্শ প্রদান অব্যাহত রয়েছে। ৭৯০টি হতদরিদ্র অসহায় পরিবার নিজেদের ব্যবস্থাপনায় এ পর্যন্ত প্রায় ১৯,৮০,১০০/- টাকা সঞ্চয় জমা করেছে। ৫৪টি স্বাবলম্বন দলের সাপ্তাহিক সভায় বাল্যবিবাহ প্রতিরোধ, শিশু শ্রম রোধ, যৌতুক প্রতিরোধ ইত্যাদি বিষয়ে গুরুত্ব সহকারে আলোচনা করা হয়। উল্লিখিত কাজের পাশাপাশি সংস্থার অন্যান্য কার্যক্রমও যথারীতি চলছে।
- আলোচ্যসূচি-২৮ : বাংলাদেশ মহিলা পরিষদ, সূর্যের হাসি ক্লিনিক, রাজারহাট, কুড়িগ্রামের কার্যক্রম সম্পর্কে আলোচনা।
আলোচনা : বাংলাদেশ মহিলা পরিষদ, সূর্যের হাসি ক্লিনিক, রাজারহাট, কুড়িগ্রামের প্রতিনিধিগণ সভায় অবহিত করেন যে, তাদের সংস্থার গৃহীত সকল কার্যক্রম যথারীতি চলছে।
- আলোচ্যসূচি-২৯ : বিবিধঃ
(১) সভাপতি ছিন্নমুকুল বাংলাদেশ, কুড়িগ্রাম সভায় প্রেজেন্টেশনের মাধ্যমে সংস্থার কার্যক্রম সম্পর্কে অবহিত করার জন্য ধন্যবাদ জানান। তাদের কার্যক্রমের উপর উপস্থাপিত প্রেজেন্টেশন সকলের নিকট প্রশংসিত হয়।
(২) আগামী সভায় উপস্থিত এনজিও প্রতিনিধিগণের সর্বসম্মতিক্রমে হ্যাভিক্যাপ ইন্টারন্যাশন্যাল, কুড়িগ্রামকে তাদের কার্যক্রমের উপর পাওয়ার পয়েন্ট প্রেজেন্টেশনের জন্য অনুরোধ জানান হয়। তবে পাওয়ার পয়েন্ট প্রেজেন্টেশনের সময় তাদের কার্যক্রমের উপর প্রকল্পের সুবিধাভোগী, প্রকল্প বাস্তবায়নে অন্তরায়, লক্ষ্যমাত্রা, অর্জন ইত্যাদি বিষয়ে বিশেষভাবে উপস্থাপন করার জন্য সভাপতি পরামর্শ প্রদান করেন।
(৩) সভাপতি বলেন, এক এনজিও হতে উপকারভোগীদের সংখ্যা অন্য এনজিও বা সরকারি দপ্তরের সাথে যাতে Overlapping না হয় তা খেয়াল রাখতে হবে এবং সঠিক তথ্য উপস্থাপন করতে হবে।
(৪) সংস্থার ওয়েব পোর্টালে হালনাগাদ তথ্য দ্রুত আপলোড করা এবং সকল সংস্থাকে তাদের স্থায়ী কার্যক্রমের প্রতিবেদন প্রতি ইংরেজি মাসের ০৫ তারিখের মধ্যে এ কার্যালয়ের সাধারণ শাখায় দাখিল এবং www.kurigramngos.org.bd ওয়েব পোর্টাল থেকে জেলা এনজিও বিষয়ক সমন্বয় সভার কার্যবিবরণী সংগ্রহ এবং কুড়িগ্রাম এনজিও পোর্টালে (www.kurigramngos.org.bd) নিজ ওয়েব পেজে সংস্থার কার্যক্রমের মাসিক প্রতিবেদন ও ত্রৈমাসিক প্রতিবেদন নিয়মিত আপলোড করার জন্য অনুরোধ জানান।
(৫) সভায় বাল্যবিবাহ প্রতিরোধে সকল পর্যায়ের সাধারণ মানুষকে উদ্বুদ্ধ করার উপর গুরুত্বারোপ করা হয়। এ জেলায় ভিক্ষাবৃত্তিতে নিয়োজিত জনগোষ্ঠীকে বিকল্প কর্মসংস্থান ও পুনর্বাসনের মাধ্যমে কুড়িগ্রাম জেলাকে ২০১৮ সালের ডিসেম্বর মাসের মধ্যে ভিক্ষুকমুক্ত জেলা হিসাবে ঘোষণা করার লক্ষ্যে কাজ করার জন্য আহ্বান জানানো হয়। এক্ষেত্রে সকল সংস্থার কর্মকর্তা ও কর্মচারীকে ০১ দিনের মূলবেতনের সম-পরিমাণ অর্থ সেপ্টেম্বর ২০১৮ মাসের ১৫ তারিখের মধ্যে 'ভিক্ষুক মুক্তকরণ কর্মসূচি' নামীয় সোনালী ব্যাংক লিঃ, কুড়িগ্রাম শাখার চলতি হিসাব নং ৫২০৮৪০২০০১৫৬৩-তে জমা করার জন্য অনুরোধ জানান।
(৬) সভাপতি বলেন, বিভিন্ন প্রাকৃতিক দুর্যোগের সময় ও দুর্যোগ পরবর্তী সময়ে সরকারি বিভাগের পাশাপাশি বেসরকারি সংস্থা (এনজিও)সমূহ পুনর্বাসন কার্যক্রমে অংশগ্রহণ করে থাকেন। তাই দুর্যোগকালীন ত্রাণ বিতরণের ক্ষেত্রে জেলা প্রশাসনের সাথে সমন্বয় করে ত্রাণ বিতরণ করাসহ দুর্যোগ পূর্ব কর্মপরিকল্পনা প্রস্তুতপূর্বক জেলা প্রশাসন ও স্থানীয় প্রশাসনকে অবহিত করার জন্য অনুরোধ জানান।

বিস্তারিত আলোচনান্তে নিম্নবর্ণিত সিদ্ধান্ত গৃহীত হয়ঃ

ক্রঃ	সিদ্ধান্ত	বাস্তবায়নকারী
১	এনজিও বিষয়ক সমন্বয় সভায় নিয়মিতভাবে সংস্থা কর্তৃক গৃহীত কার্যক্রম ও ভবিষ্যৎ কর্মপরিকল্পনাসহ যথাসময়ে যথোপযুক্ত প্রতিনিধির উপস্থিতি নিশ্চিত করতে হবে।	এনজিও কর্তৃপক্ষ
২	সকল সংস্থা কর্তৃক গৃহীত প্রকল্পের বিষয়ে up-to-date তথ্য জেলা ও উপজেলা প্রশাসনকে অবহিত করে বাস্তবায়নের পদক্ষেপ গ্রহণ করতে হবে।	এনজিও কর্তৃপক্ষ
৩	এনজিও বিষয়ক সমন্বয় সভায় গৃহীত সিদ্ধান্তসমূহ যথাযথভাবে অনুসরণপূর্বক বাস্তবায়ন প্রতিবেদন পরবর্তী সভার পূর্বেই এ কার্যালয়ে প্রেরণ করতে হবে।	এনজিও কর্তৃপক্ষ
৪	জেলা এনজিও পোর্টালে হালনাগাদ তথ্য ও প্রতিমাসের সভার কার্যবিবরণী নিয়মিত আপলোড করতে হবে।	সংশ্লিষ্ট কর্তৃপক্ষ
৫	এনজিও সমূহের কার্যক্রম মনিটরিং এর স্বার্থে উপজেলা নির্বাহী অফিসারগণ নিয়মিতভাবে উপজেলা এনজিও বিষয়ক সমন্বয় কমিটির সভা অনুষ্ঠান করে পরবর্তী মাসের ০৩ (তিন) তারিখের মধ্যে মাসিক সভার কার্যবিবরণী এ কার্যালয়ে প্রেরণ নিশ্চিত করতে হবে।	উপজেলা নির্বাহী অফিসার (সকল), কুড়িগ্রাম
৬	কুড়িগ্রাম এনজিও পোর্টালের (www.kurigramngos.org.bd) ব্যয় নির্বাহের নিমিত্ত সংশ্লিষ্ট এনজিও কর্তৃপক্ষ ২০১৭ ও ২০১৮ সালের জন্য নির্ধারিত বার্ষিক ফি ৮০০/- টাকা সোনালী ব্যাংক লিঃ, চলতি হিঃ নং ৩৩০০১৪০২৪-এ জমাপূর্বক জমা রশিদের মূলকপি এ কার্যালয়ের সাধারণ শাখায় দাখিল করতে হবে।	এনজিও কর্তৃপক্ষ
৭	আগামী সভায় হ্যান্ডিক্যাপ ইন্টারন্যাশন্যাল, কুড়িগ্রামকে তাদের কার্যক্রমের উপর পাওয়ার পয়েন্ট প্রজেন্টেশন করবেন।	হ্যান্ডিক্যাপ ইন্টারন্যাশন্যাল, কুড়িগ্রাম
৮	পাওয়ার পয়েন্ট প্রজেন্টেশনের সময় প্রকল্পের সুবিধাভোগী, প্রকল্প বাস্তবায়নে অন্তরায়, লক্ষ্যমাত্রা, অর্জন ইত্যাদি বিষয়ে বিশেষভাবে উপস্থাপন করতে হবে।	সংশ্লিষ্ট এনজিও কর্তৃপক্ষ
৯	এক এনজিও হতে উপকারভোগীদের সংখ্যা অন্য এনজিও বা সরকারি দপ্তরের সাথে যাতে OVERLAPPING না হয় তা খেয়াল রাখতে হবে এবং সঠিক তথ্য উপস্থাপন করতে হবে।	এনজিও কর্তৃপক্ষ
১২	জেলায় ভিক্ষাবৃত্তিতে নিয়োজিত জনগোষ্ঠীকে বিকল্প কর্মসংস্থান ও পুনর্বাসনের মাধ্যমে কুড়িগ্রাম জেলাকে ২০১৮ সালের ডিসেম্বর মাসের মধ্যে ভিক্ষুকমুক্ত জেলা হিসাবে ঘোষণা করার লক্ষ্যে সকল সংস্থার কর্মকর্তা ও কর্মচারীকে ০১ দিনের মূলবেদনের সম-পরিমাণ অর্থ সেপ্টেম্বর ২০১৮ মাসের ১৫ তারিখের মধ্যে 'ভিক্ষুক মুক্তকরণ কর্মসূচি নামীয় সোনালী ব্যাংক লিঃ, কুড়িগ্রাম শাখার চলতি হিসাব নং ৫২০৮৪০২০০১৫৬৩-তে জমাপূর্বক জমাকৃত টাকার তথ্য সভায় উপস্থাপন করতে হবে।	এনজিও কর্তৃপক্ষ
১২	সভায় বাল্যবিবাহ প্রতিরোধে সকল পর্যায়ের সাধারণ মানুষকে উদ্বুদ্ধ করার লক্ষ্যে সকল সংস্থাকে কার্যকর পদক্ষেপ গ্রহণ করতে হবে।	এনজিও কর্তৃপক্ষ
১৩	প্রাকৃতিক দুর্যোগ মোকাবেলায় আগাম প্রস্তুতিমূলক ব্যবস্থা গ্রহণসহ জনসচেতনতামূলক কার্যক্রম গ্রহণ করতে হবে। দুর্যোগকালীন ত্রাণ বিতরণের ক্ষেত্রে জেলা প্রশাসনের সাথে সমন্বয় করে ত্রাণ বিতরণ করাসহ দুর্যোগ পূর্ব কর্মপরিকল্পনা প্রস্তুত করে আগামী ১৫ (পনের) দিনের মধ্যে জেলা প্রশাসন ও স্থানীয় প্রশাসনকে অবহিত করতে হবে।	এনজিও কর্তৃপক্ষ

পরিশেষে আর কোন আলোচনা না থাকায় উপস্থিত সকলের মূল্যবান পরামর্শ ও মতামত প্রদানের জন্য ধন্যবাদ জানিয়ে গৃহীত সিদ্ধান্ত বাস্তবায়নে এবং এনজিও প্রদত্ত সেবাসমূহ দৃশ্যমান ও জনবান্ধব করার অনুরোধ জানিয়ে সভাপতি সভার সমাপ্তি ঘোষণা করেন।

(মোহাঃ সুলতানা পারভীন)
জেলা প্রশাসক
কুড়িগ্রাম
ও
সভাপতি

এনজিও বিষয়ক সমন্বয় কমিটি।

তারিখঃ ২৭ ভাদ্র ১৪২৫
২৩ সেপ্টেম্বর ২০১৮

স্মারক নং-০৫.৪৭.৪৯০০.০০৩.০৮.০০৮.১৮-৭৬৬(১০০)

অনুলিপিঃ

- ০১। মহাপরিচালক, এনজিও বিষয়ক ব্যুরো, প্রধানমন্ত্রীর কার্যালয়, প্লট-ই-১৩/বি, আগারগাঁও, শেরেবাংলা নগর, ঢাকা।
- ০২। বিভাগীয় কমিশনার, রংপুর বিভাগ, রংপুর।
- ০৩। উপজেলা নির্বাহী অফিসার (সকল), কুড়িগ্রাম।
- ০৪।

জেলা প্রশাসক
কুড়িগ্রাম।